



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

**Broj: 04-01-11-4-2361-4/25**

**Dana: 29.05.2025. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), člana 70. Zakona o javnim nabavkama („Službeni glasnik Bosne i Hercegovine”, br. 39/14, 59/22 i 50/24) i preporuke Komisije za javne nabavke Ministarstva unutrašnjih poslova Kantona Sarajevo za 2025. godinu, imenovane Rješenjem broj: 05-1-30-1-517/25 od 22.01.2025. godine, u postupku nabavke - sukcesivna nabavka kancelarijskog materijala za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, **d o n o s i:**

## **O D L U K U**

### **o izboru ponuđača u postupku nabavke - sukcesivna nabavka kancelarijskog materijala za potrebe Ministarstva unutrašnjih poslova Kantona Sarajevo**

#### **I**

Na osnovu Odluke o pokretanju postupka nabavke broj: 04-1-11-4-2361/25 od 28.03.2025. godine i Obavještenja o nabavci broj: 1364-1-1-49-3-42/25 od 05.05.2025. godine, na portalu Agencije za javne nabavke objavljen je postupak nabavke - sukcesivna nabavka kancelarijskog materijala za potrebe Ministarstva unutrašnjih poslova Kantona Sarajevo, otvoreni postupak.

#### **II**

Prihvata se preporuka Komisije za javne nabavke imenovane gore navedenim rješenjem, te se shodno Zakonu o javnim nabavkama, primjenjujući kriterij "najniža cijena", u predmetnom postupku nabavke okvirni sporazum dodjeljuje ponuđaču R&S d.o.o. Sarajevo u iznosu od 244.720,88 KM bez PDV-a, (dvijestotinečetrestetirihiiljadesedamstotinadvadeset i 88/100 KM)

#### **III**

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

#### **IV**

Ova odluka stupa na snagu danom donošenja.

## **O b r a z l o ž e n j e**

Na osnovu Odluke o pokretanju postupka nabavke broj: 04-1-11-4-2361/25 od 28.03.2025. godine i Obavještenja o nabavci broj: 1364-1-1-49-3-42/25 od 05.05.2025. godine na portalu Agencije za javne nabavke objavljen je postupak - sukcesivna nabavka kancelarijskog materijala za potrebe Ministarstva unutrašnjih poslova Kantona Sarajevo, otvoreni postupak.



Adresa: Sarajevo, La Benevolencije 16  
Tel: + 387 (0)33 286-701, 286-702,  
Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

U skladu sa gore navedenim Obavještenjem o nabavci, Komisija za javne nabavke Ministarstva je izvršila javno otvaranje prispjelih ponuda dana 27.05.2025. godine, sa početkom u 15:00 sati, u prostorijama Sjedišta Ministarstva unutrašnjih poslova Kantona Sarajevo.

Javnom otvaranju ponuda nisu prisustvovali predstavnici ponuđača, Zapisnik sa otvaranja ponuda je dostavljen ponuđačima u zakonskom roku.

Tendersku dokumentaciju preuzelo je 18 ponuđača.

U postupku nabavke nije postavljeno niti jedno pitanje.

U krajnjem roku za dostavu ponuda, prema Obavještenju o nabavci dostavljene su dvije ponude, i to:

- Office support d.o.o. Sarajevo i
- R&S d.o.o. Sarajevo.

Dostavljene ponude su blagovremene i imaju sljedeće vrijednosti:

- Office support d.o.o. Sarajevo, u iznosu od 244.720,88 KM, bez PDV-a, bez popusta i
- R&S d.o.o. Sarajevo, u iznosu od 245.000,00 KM, bez PDV-a, bez popusta.

Komisija je izvršila kontrolu dostavljene dokumentacije, način uvezivanja ponude, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je sljedeće:

- ponuda ponuđača Office support d.o.o. Sarajevo nije formalno-pravno ispravna, odnosno ista je nepravilna nije dostavljena u skladu sa Tenderskom dokumentacijom, a
- ponuda ponuđača R&S d.o.o. Sarajevo je formalno-pravno ispravna i prihvatljiva, odnosno dostavljena je na način propisan Tenderskom dokumentacijom.

Naime, kada je u pitanju ponuda ponuđača Office support d.o.o. Sarajevo, Komisija je konstatovala da je ista nepravilna, odnosno da nije dostavljena u skladu sa Tenderskom dokumentacijom, i to kako slijedi:

- ponuđač je dostavio samo original ponude, međutim tačkom 14. Tenderske dokumentacije je propisano dostavljanje ponude u originalu i kopiji.

- Obrazac za cijenu ponude, Prilog III dostavljen nepopunjen u kolonama „Jedinična cijena bez PDV-a i ukupna cijena bez PDV-a po stavkama od 1. do 205., nepotpisan bez podataka u vezi sa rokom isporuke, garantnim rokom i datumom,

- Prilog IV – Izjava iz člana 45. Zakona o javnim nabavkama nije dostavljena popunjena, ovjerena i potpisana kako je izričito traženo tačkom 12. Tenderske dokumentacije (Uslovi za kvalifikaciju)

- član 46 ZJN Izvod iz sudskog registra– dostavljen u običnoj kopiji, neovjeren suprotno traženom tačkom 13. Tenderske dokumentacije (Ostali uslovi za kvalifikaciju),

- Prilog V - Izjava iz člana 47. Zakona o javnim nabavkama nije dostavljena popunjena, ovjerena i potpisana kako je izričito traženo tačkom 13. Tenderske dokumentacije (Ostali uslovi za kvalifikaciju),

- Kada je u pitanju Tehnička i profesionalna sposobnost (Čl. 48.-51. Zakona o javnim nabavkama) ponuđač nije dostavio Tehnički list proizvođača za artikle kako je navedeno u obrascu za cijenu ponude i Uzorke za artikle koji su predmet nabavke, kako je navedeno u obrascu za cijenu ponude,

- Prilog VI - Izjava iz člana 52. Zakona o javnim nabavkama nije dostavljena popunjena, ovjerena i potpisana kako je izričito traženo tačkom 13. Tenderske dokumentacije (Ostali uslovi za kvalifikaciju),

- Prilog VIII – Ovlaštenje za zastupanje nije popunjeno, ovjereno i potpisano,

- Prilog IX – Nacrt okvirnog sporazuma nije popunjen niti potpisan,

- Prilog X – Obrazac povjerljivih informacija nije popunjen, nije potpisan niti ovjeren,

- Prilog XI – Garancija za ozbiljnost, nije dostavljena kako je traženo tačkom 27. Tenderske dokumentacije (Garancija za ozbiljnost ponude) i

- Prilog XIII – Garancija za uredno izvršenje ugovora, Izjava, nije popunjena, nije potpisana niti ovjerena što je izričito traženo tačkom 28. Tenderskom dokumentacijom (Garancija za uredno izvršenje ugovora).

Kada je u pitanju ponuda ponuđača R&S d.o.o. Sarajevo, Komisija je konstatovala da je ista prihvatljiva, odnosno da je ista u cijelosti dostavljena u skladu sa Tenderskom dokumentacijom.

Obzirom da je dostavljena samo jedna ponuda formalno-pravno ispravna i prihvatljiva nisu se stekli uslovi za zakazivanje E-aukcije.

Shodno utvrđenom činjeničnom stanju, a u skladu sa članom 70. Zakona o javnim nabavkama („Sl. glasnik BiH“ broj 39/14, 59/22 i 50/24), Komisija je jednoglasno dala preporuku ministru unutrašnjih poslova Kantona Sarajevo da u postupku sukcesivne nabavke - sukcesivna nabavka kancelarijskog materijala za potrebe Ministarstva unutrašnjih poslova Kantona Sarajevo donese odluku o dodjeli okvirnog sporazuma ponuđaču R&S d.o.o. Sarajevo, u iznosu od 244.720,88 KM bez PDV-a.

Cijeneći naprijed navedeno riješeno je kao u dispozitivu.

#### **POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o izboru, a u skladu sa članom 99. i 101. Zakona o javnim nabavkama.



#### Dostaviti:

1. Ponuđačima x 2
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.